



**KOMMUNALBESTYRELSIP
IMMIKKUT ITTUMIK ATAATSIMIINNERA
TALLIMANNGORNEQ 1. MARTS 2024 NAL. 09:00**

Peqataasut:

1. Aqqalu C. Jerimiassen (A)
2. Knud Kleemann (A)
3. Palle Jerimiassen (AT), borgmesteri
4. Lena Ravn Davidsen (D)
5. Bendt B. Kristiansen (IA)
6. Jens Ole Nathanielsen (IA), borgmesterip tullia siulleg
7. Niels Davidsen (IA)
8. Anthon Frederiksen (N),
9. ~~Jens Napâtok~~ (N) Hartmann Heilamn
10. Ane Qujaukitsoq (S)
11. Elisabeth Nielsen (S)
12. Jakob Petersen (S)
13. Jens Kristian Therkelsen (S)
14. Jørgen Kruse (S)
15. Margrethe Christensen (S)
16. Sakio Fleischer (S), borgmesterip tulliaata aappaa
17. Timotheus Petersen (S)

Imaqarniliortoq:

Nick Nielsen, pisortaaneq

Immikkut aggersakkat:

Pisortaqatigiit

Oqalutsit:

Ataatsimeeriaaseq:

Teams-ikkut

KOM	QULEQUTAQ	BILAG
009	Avannaa Development A/S, kiffartuussinnermut akiliummik appaaneq	001
010	Avannaa Arctic Games pilersinnissaanut atatillungu angalanissaq	002
011	Kommunalbestyrelsip innuttaasumut nersorinninnissamut periarfissai	003
012	Qeqertarsuup tunuani inuussutissarsiutingalugu qassutit atorlugit qaleralinniarnermi ileqqoreqqusassatut siunnersuut	004
013	Kommunip akingititaanik tulluussaaneq	005
	Matogqasoq	
014	Qimussertartumut nersorinninneq	006

Aaliangiineq:

Oqaluuserisassat akuerineqarpoq.

Sags nr.	Sammasaq	Bilag nr.	001
KOM 009	Avannaa Development A/S, kiffartuussinermut akiliummik appaaneq	Journal nr.	

Uteqqiineq:

Avannaa Development inissianik piginnittuvoq attartortitsisarlunilu. Tamatumunnga atatillugu kommuni kiffartuussinermut ingerlatsiveqarfimmut akiliuteqartarpoq (servicebidrag). Inissiat attartortinneqartarput, inissiat namminersortunit pigineqartut attartortinneqartarneranni malittarisassat malillugit. Avannaata Kommuniata ingerlatsiviullu kiffartuussinermut akiliuteqartarpoq sivitsortussaavaat. Siunnersuutigineqarpoq akiliut tamakkiisoq appartinneqassasoq. Suliami matumani kommunalbestyrelsip isummerfigissavaa kiffartuussinermut akiliut appartinneqassanersoq.

Suliamik saqqummiussineq:

Kommunip ineriartortitsinermit ingerlatsiveqarfiutaa, Avannaa Development A/S inissianik piginnittuvoq attartortitsisartuullunilu. Ingerlatsiveqarfik aamma allanik suliaqarpoq. Tamatumunnga atatillugu ingerlatsiveqarfik kiffartuussinermut kommunimit qaammammut kr. 221.250,-nik akilerneqartarpoq. Avannaa Development A/S Ilulissani eqqaanilu, inissianik attartortittakkanik pigisaqarpoq allaffissornikkullu ingerlataqarluni. Inissiat attartortinneqartarput, inissiat namminersortunit pigineqartut attartortinneqartarneranni malittarisassat malillugit. Avannaata Kommuniata aamma Avannaa Development-ip isumaqatigiissupput malillugu kiffartuussinermut isumaqatigiissut sivitsortussaavaat. Siunnersuutigineqarpoq kiffartuussinermut akiliut qaammammut kr. 200.000-inut appartinneqassasoq. Appartitsinermit annikitsumut tunngavigineqarpoq, ingerlatsiveqarfiup pilersinneqarnerminit maannamut aningaasaqarnermigut naleqqusaanera. Ataatsimut isigalugu ingerlatsiveqarfiup aningaasaqarnera pitsaavoq, anginerusumillu tapiiffigineqarnissaminut pisariaqartitsinani.

Aningaasatigut kinguneqaatissat:

Akiliuteqartarpoq ingerlareerpoq, aningaasallu atugassat missingersuummi ilaareerput, taamaattumik aningaasatigut kinguneqartussaangilaq, eqqaassanngikkaanni qaammammut kr. 21.250-nik sipaarutissaq.

Inatsisitigut toqqammavigisat:

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq

Suliamik isumaginnineq

Aningaasaqarnermut Ataatsimiititaliaq
Kommunalbestyrelsi

Aningaasaqarnermut Ataatsimiititaliap aaliangernera:

*Allattoqarfiup Aningaasaqarnermut ataatsimiititaliamut inassutigaa
Kiffartuussinermut akiliutip qaammammut kr. 21.250-nik apparneqarnissaa ataatsimiititaliap akuerissagaa*

Aaliangerneq:

Inassutigineqartoq akuerineqarpoq.

Inassuteqaat:

Aningaasaqarnermut Ataatsimiititaliap kommunalbestyrelsimut inassutigaa

Aningaasaqarnermut Ataatsimiititaliap inassutaa ilalernerqassasoq

Ilanngussaq:

Soqanngilaq

Aaliangiineq:

Akuerineqarpoq.

Sag nr.	Sammissaq	Bilag nr.	002
KOM 010	Avannaa Arctic Games pilersinnissaanut atatillungu angalanissaq	Journal nr.	

Uteqqiineq:

Ukiup siuliani kommunalbestyrelsi aalingernikuuvoq timersornermi aqqissuussinerit kulturikkut aallaaveqartut kommunimi ingerlanneqartalissasut, tamatumalu kingunerisaanik borgmesteri siuttoralungu Arctic Winter Games Canadami ingerlanneqarmat akilernermit peqataasussanik iluatsilluartumik qammaasoqarnikuuvoq.

Pilersaarutit ingerlaqqippat suliallu tingussaasunngorlutik, taamaattumik nunatta avataani nunat pingasut kissaataavoq qaaqquneqassasut nassuiaanneqarlutillu ingerlanneqartussap imarisaanik peqataanissamullu sinaakkutaasut pillungit. Uani suliami kommunalbestyrelsip oqallisingissavaa Arctic Winter Games-imi Alaskami ingerlanneqartussami kommunimiit peqataasoqassanersoq.

Suliap saqqummiunnera:

Kommunalbestyrelsi ukioq 2022 naalersoq aaliangerpoq punktip 07-22 oqallisingineqarnerani inuit timersuutaannik Avannaata Kommuniani ingerlatsisoqartalissasooq. Siunertaavoq nunatsinniit akilinermiillu aqqissuussinermit Avannaa Arctic Games-imi taaneqartumit peqataasoqartassasooq.

Ukioq kingulleq kommunimiit angalatinneqartut Wood Buffalo-mi oqaloqatinginnippat, angalanermit paasinarsivoq taama aqqissuussisoqassappat naggueqatitsinneq soqutingineqartoq.

Sulinerit ingerlasimappat pilersaarutaavorlu nunat sisamat Avannaa Arctic Games-imi peqataassasut, Nunavut, Nunavik, Alaska nunarpullu. Nunat tamarmik takorloorneqarpoq 20 missaannik peqataatitaqassasut. Pilersaarutaavoq aappaangu februar qeqqani Avannaa Arctic Games Ilulissani ingerlanneqassasooq, timersuutit isikkaneq marluk missaaniittut ingerlanneqassappat. Inuit timersuutaat pineqarput, taakkua avataatingut pakassumminneq ingerlanneqarluni.

Avannaa Arctic Games piviusunngortinnissaanut malitseqartitsinissat alloriarnermi tullinnguupput.

Iluarsiiinissamut siunnersuut – sammisanut tunngatillugu nalilersuineq

Avannaa Arctic Games piviusunngortinneqassanguni aningaasaliisoqartariaqassooq. Ukioq kingulleq ICC aqqissuunneqarmat kr. 4.5 mio. missaat atornerput, allattoqarfimmiit missingiupparput tamatumaa missaani aningaasanik illikartitsisoqartariaqarpoq Avannaa Arctic Games piviusunngortinneqassappat. Kommunalbestyrelsip ukiup ingerlanerani suliaq ingerlaqqissappat aningaasaliinissaq immikkut oqallisingisariaqarpaa aaliangiiffingalungulu.

Kommunalbestyrelsip aaliangernera 2022-imi malitseqartinneqassappat sukumiisumik qaaqqusinissaq ingerlanneqartariaqarpoq. Uanilu peqataasussatut takorloorneqartut ornillungit oqaloqatinginissaat pisariaqalerpoq. Taamaattumik kommunimiit Arctic Winter Games Alaskami ingerlanneqalerpat peqataasoqarnissaa pisariaqarpoq. Uani qaaqqusassat sukumiisumik paasisariaqarpat Avannaa Arctic Games-imi peqataanissamut qanoq sinaakkusiisoqassanersoq, assersuut angalanissat qanoq aningaasalersorneqassappat, peqataasussat Ilulissani qanoq najungaqassappat il. il.

Aqqissuussineq ukioq ataaseq qaangiuppat iluatsissappat ingerlanneqassooq, taamaattumik sulinerit annertusisamik aallartittariaqarput. Ukioq kingulleq angalaneq ugguuna iluatsippoq, Avannaa Arctic Games naggueqatitsinnit ingerlanneqartussaasoq ilisimaneqalermat. Uani angalanissami aggersumi taaneqareersutuut sukumiisumik peqataasussanut pilersaarutit saqqummiunneqassappat.

Ingerlariaqqinnissaq

Qulequtaq akuerineqaruni Arctic Winter Games-imi borgmesteri, illuatungiliuttuniit kommunalbestyrelsimi ilaasorta, pisortaaneq Peqqinneq Sunngiffimmiillu Immikkoortortaqarfimmiit atorfilik peqataassappat.

Arctic Winter Games-mi ukiormanna ingerlanneqassooq Mat-Su, Alaska-mi illoqarfik. Ulluni martsip 10-nganiit 16-anut Arctic Winter Games ingerlanneqassooq.

Aningaasaqarnermi kingunerisinnaasat:

Nunatta timersoqatingiiffia tassanilu siulersuisuni siulittaasoq allattoqarfianilu pisortaq siunertaq pillungu attavingineqarput, siunertaq tapersersorneqarpoq, kisianni aningaasartuutit kommunip nammineq ingerlatissuai. Qulaani taaneqartut inuit sisamat angalanermi peqataassapput. Angalanissaq katillungit kr. 120.000,- missaani naleqassasoq missingerneqarpoq, taakkualu sinaakkutit iluanni ingerlanneqassapput.

Inatsisitigut tunngavigisat aamma toqqammavissiisutut allagaatit:

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq

Suliamik isumaginninneq:

Aningaasaqarnermut Ataatsimiititaliaq
Kommunalbestyrelsi

Aningaasaqarnermut Ataatsimiititaliap aaliangernera:

*Allattoqarfiup Aningaasaqarnermut Ataatsimiititaliamut inassutingaa
Avannaa Arctic Games piviusunngortinnissaa siunertaralungu borgmesteri, illuatungiliuttuniit ataaseq
atorfillillu marluk Arctic Winter Games Alaskami ingerlanneqalerpat peqataassasut ataatsimiititaliap
akuerissangaa*

Aaliangerneq:
Inassutigineqartoq akuerineqarpoq.

Inassuteqaat:

Aningaasaqarnermut Ataatsimiititaliap kommunalbestyrelsimut inassutigaa

Aningaasaqarnermut Ataatsimiititaliap inassutaa ilalernerqassasoq

Ilanngussat:

Bilag 002-01: GIF kommunillu akornanni allaqatingiinnerit
Bilag 002-02: Angalanermi qaaqusissutissatut saqqummiunneqartussaq

Aaliangiineq:

Akuerineqarpoq.

Sag nr.	Sammissaq	Bilag. nr.	003
KOM 011	Kommunalbestyrelsip innuttaasumut nersorinninnissamut periarfissai	Journal nr.	

Uteqqiineq:

Kommunerujussuit aallartinnginnerini innuttaasunik nersorinninneq aamma innuttaasunik ataqqinaammik innuttaasunngortitsisarneq ingerlanneqartarsimapput, tamannali kommunerujussuit aallartimmata ingerlanneqarsimanngilaq. Avannaata Kommuniani tamanna eqquteqqinniarlugu inassutigineqarpoq, kommunimi innuttaasunik nersorinnissinnaaneq aamma innuttaasumik ataqqinaammik innuttanngortitsisinnaaneq aallarteqqinneqassasoq. Inassutigineqartoq akuerineqassanersoq oqallisigineqassooq.

Suliap saqqummiunnera:

Ukiorpassuarni kommuniutoqaasimasut ileqqorisimavaat innuttaasumik nersorinninnerit ingerlanneqartarnerat assersuutingalungu ataqqinaammik innuttaasunngortitsinnermi imaluunnit immikkut nersorinninniarnermi innuttaasup immikkut suliaqarsimamata peqquataatinnearluni. Kommunerujussuit pilersinneqarmata ileqqoq atorunnaarsimavoq illuatungaani kommunalbestyrelsi aaliangersimavoq assersuutingalungu timersullammammik toqqaasoqartassasoq, aaqqiinerlu ukiut tamaasa ingerlanneqartarpoq. Kommunalbestyrelsimi ilaasortat kissaatingaat siammasinnerusumik nersorinninniarnit ingerlanneqarsinnaanerit aqutissinneqassasoq.

Iluarsiinissamut siunnersuut – sammisamut tunngatillugu nalilersuineq

Kommunalbestyrelsip suleriesai amerlanerpaat inatsisitingut toqqammaveqarput, uanili suliama aaliangersimasumik toqqammavissaqanngilaq. Taamaakkaluartoq kommunalbestyrelsi isumaqarpoq kommunimi innuttaasumik nersorinninninnerit tassuunakkullu aningaasanik annertunngittunik tunniussisoqartarluni aaqqiinerit ingerlanneqartalissasut.

Nersorinninnerit innuttaasooq immikkuullarissumik angusaqarsimappat imaluunnit innuttaasooq ataqqinaammik kommunimi innuttaasinnaanera aqutissinneqarsinnaalissapput, taamatut aaqqiinnermi taaneqareersutuut immikkuullarissumik innuttaasooq inuiaqatingiinnut sunniuteqarlarsimasumik suliaqarsimassaaq.

Innuttaasut immikkut nersorinnikkumallutik imaluunnit ataqqinaammik innuttaalertussamik inassuteqarlutik allangaqarsinnaapput. Inassuteqaatit Aningaasaqarnermut Ataatsimiititaliamut ingerlatinneqassapput tassanngaanniillu piukkunneqartut kommunalbestyrelsimut ingerlatinneqassapput inaarutaasumik oqallisigineqarlutik aaliangiiffingineqarlutillu. Aningaasaqarnermi Ataatsimiititaliami inassuteqaat ingerlaqqinngikkuni suliaq unitsinneqassooq.

Ingerlariaqqinnissaq

Suliaq akuerineqaruni innuttaasunut nalunaarutingineqassooq atuutillerlunilu.

Aningaasaqarnermi kingunerisinnaasat:

Aningaasat nersorinninnermi tunniunneqartassapput kr. 5.000,-

Aningaasat ataqqinaammik innuttaasunngortitsinnermi tunniunneqartassapput kr. 8.000,-

Inatsisitigut tunngavigisat allagaatillu toqqammavissiisut:

- Kommunit aqunneqarnerat pillugu Inatsisartut inatsisaat nr. 29, 17 november 2017-imeersoq

Suliamik isumaginnineq:

Inerisaanermut Ataatsimiititaliaq
Aningaasaqarnermut Ataatsimiititaliaq
Kommunalbestyrelsi

Inerisaanermut Ataatsimiititaliap aaliangernera:

*Allattoqarfiup inassutingaa Inerisaanermi Ataatsimiititaliamut
Kommunalbestyrelsip immikkut innuttaasumut nersorinnissinnaanera imaluunnit ataqqinaammik
innuttaasunngortitsisinnaanera ataatsimiititaliap akuerissangaa*

Aaliangerneq:
Inassuteqaat akuerineqarpoq.

Aningaasaqarnermut Ataatsimiititaliap aaliangernera:

*Inerisaanermut Ataatsimiititaliap Aningaasaqarnermi Ataatsimiititaliamut inassutingaa
Inerisaanermut Ataatsimiititaliap aaliangernera ilalernerqassasoq*

Aaliangerneq:
Inassutigineqartoq akuerineqanngilaq.
Ataqqinaammik innuttaasunngortitsisarneq immikkut suliassatut punktinnngorlugu inassutigineqarpoq.
Aappaali nersorinninnermut inassutigineqartoq taamaalillugu akuerineqarpoq.

Inassuteqaat:

Aningaasaqarnermut Ataatsimiititaliap kommunalbestyrelsimut inassutigaa

Aningaasaqarnermut Ataatsimiititaliap inassutaa ilalernerqassasoq

Ilannussat:

Soqanngilaq.

Aaliangiineq:

Akuerineqarpoq.

Sag nr.	Sammissaq	Bilag. nr.	004
KOM 012	Qeqertarsuup tunuani inuussutissarsiutingalugu qassutit atorlugit qaleralinniarnermi ileqqoreqqusassatut siunnersuut	Journal nr.	

Uteqqiineq:

Qeqertarsuup Tunuani aqutsiveqarfimmi qassusersorluni inuussutissarsiutigalugu aalisarneq pillugu ileqqoreqqusaq tulluussarneqartussaavoq. Sulineq aallartinneqarpoq Ilulissani atuisut ataatsimeeqatinginerani, anguniarneqarpoq ileqqoreqqusassatut siunnersuutissap ilusissaata tulluussarneqarnissaa. Uani suliami kommunalbestyrelsi qulequtaq pillungu Aalisarnermi Piniarnermilu Ataatsimiititaliap tusarniaanissaq pillungu aaliangernera ilisimatitsissutingineqarpoq.

Suliat saqqummiunna:

Kommunalbestyrelsi aaliangernikuuvoq Qeqertarsuup Tunuani aqutsiveqarfimmi qassusersorluni inuussutissarsiutigalugu aalisarneq pillugu ileqqoreqqusaq tulluussarneqassasoq. Suliaq allattoqarfimmit aallartinneqarpoq, suliarnermilu atuisut paasiniaaffingineqarput ileqqoreqqusami allannguutissat qanoq isikkoqarsinnaanersut aaqqiiffingineqarlutillu. Kommunip ileqqoreqqusami suliaqarnermini aaliangersorsinnaasai nalunaarut naapertorlungu marlussuupput, tassalu sumiiffimmi qassusersorfioqqusaanngittut nalunaarsussallungit, kiisalu ukiup qanoq ilinerani qassusersorneq ingerlanneqarsinnaasoq.

Aalisarnermut Piniarnermullu Ataatsimiititaliap januarimi ataatsimiinnerani aaliangertoqarpoq ileqqoreqqusassatut siunnersuutit ulloq 6. marts tungaanut tusarniutingineqarneri ingerlanneqassat. Ileqqoreqqusassatut siunnersuutit ilanngussami takuneqarsinnaapput. Aalisarnermut Piniarnermullu Ataatsimiititaliap januarimi ataatsimiikkami ima aaliangerpoq:

Akuerineqarpoq. Ilulissani innuttaasunik APIAT-ip siulittaasuata ataatsimiititsinissamut pingaartinneqarpoq nunaqarfii Saqqaq, Qeqertaq, Ilimanaq, Oqaatsullu aamma tikinneqarnissaat peqataatinneqarnissaat, APIAT-imi ilaasortamik peqataasoqarnissaa ammaffingineqarpoq, aammalu ilaasortamik Ilulissani najugalimmik atorluaasinnaaneq ammaffingineqarluni. Angalanissamut pilersaarutissamut atatillugu allattoqarfik paasiniaavigineqassaaq.

Ingerlariaqqinnissaq

Tusarniaareernerup kingorna akissutit qanoq siunnersuummut sunniuteqartingissanersut siulittaasup oqimaalutassuaa, taamaattoqassappallu Naalackersuisoqarfik suleqatingalungu inatsisitingut allannguutissat naapertuunnersut misissorneqassooq. Tamatumalu kingorna inaarutaasumik kommunalbestyrelsimi oqallisingineqarlutik.

Aningaasaqarnermi kingunerisinnaasat:

Kommunemut aningaatigut kinguneqassanngilaq.

Inatsisitingut tunngavigisat:

- Aalisarneq pillugu Inatsiartut inatsisaat nr. 18, 31. oktober 1996-meersoq
- Sinerissap qanittuani qaleralinniarneq pillugu Namminersorlutik Oqartussat nalunaarutaat nr. 46, 14. december 2020-meersoq

Suliamik isumaginnineq:

Aalisarnermut Piniarnermullu Ataatsimiititaliaq
Aningaasaqarnermut Ataatsimiititaliaq
Kommunalbestyrelsi

Aningaasaqarnermut Ataatsimiititaliap aaliangerera:

*Allattoqarfiup Aningaasaqarnermut Ataatsimiititaliamut inassutingaa
Sinerissap qanittuani Disko Bugtimi qassusersorluni ileqqoreqqusassatut siunnersuutip
tusarniutingineqarnera uanilu suliap ilisimatitsissutingineqarnera ataatsimiititaliap tusaatissatut
tingussangaa*

Aaliangerneq:

Tusaatissatut inassuteqaat akuerineqarpoq.

Sakio Fleischer-p inassutingaa imaani saliisarneq pillugu Namminersorlutik Oqartussat attavigineqassasut.

Inassuteqaat:

Aningaasaqarnermut Ataatsimiititaliap kommunalbestyrelsimut inassutigaa

Aningaasaqarnermut Ataatsimiititaliap inassutaa ilalernerqassasoq

Ilanngussat:

Bilag 004-01: Disko Bugtimi ileqqoreqqusassatut siunnersuut

Bilag 004-02: Nunap assinga, Ilulissat eqqaa

Bilag 004-03: Nunap assinga, Torsukattaap eqqaa

Bilag 004-04: Naalackersuisoqarfimmiit oqaaseqaat

Aaliangiineq:

Akuerineqarpoq.

Sag nr.	Sammissaq	Bilag nr.	005
KOM 013	Kommunip akingititaanik tulluussaaneq	Journal nr.	

Uteqqiineq:

Piffissap imaalinerani kommunalbestyrelsimi ilaasortanit innuttaasuniillu malunginiarneqarpoq kommunip sullissinermut akingititai ataasiakkaani annertuumik qaffassimasut. Toqqammaviumik akingititai qaffakkiartorneri apeqqusersorneqanngilaq, kisianni qaffaapiloorsimaneq tulluussaaffingineqassasoq kissaatingineqarpoq. Uani suliami Aningaasaqarnermut Ataatsimiititaliaq tulluussaaneqarnermut pisinnaatinneqassanersoq kommunalbestyrelsip oqallisingissavaa.

Suliap saqqummiunnera:

Ukioq kingulleq kommunalbestyrelsi kingullermik ataatsimiikkami sullissinermi akingititai aaliangerneqarput. Akingititai susassaqaqfinni marluusuni annerusumik missingersuutini paarnaqqapput, taakkua ukiormanna missingersuutilerinermi aattaat allanngorneqarsinnaallutik. Kommunilbestyrelsimi ilaasortat innuttaasullu malunginiarpaat akingititai sullissinermi assingiinnittuni annertuumik qaffariarsimasut, taakkuttaalu kissaataavoq aqqinneqassasoq.

Iluarsiiinissamut siunnersuut – sammisanut tunngatillugu nalilersuineq

Allattoqarfimmiit inassutaavoq tulluussaaneq ingerlanneqassasut. Meeqqerivinni, eqqangassalerinermi atserinermilu akingititai allanngorneqassanngillat, kisianni sullissinermi akingititai allat tulluussarneqassapput. Akit qaffakkiartornerat illuatungilersorneqanngilaq taamaattumik akingititanik qaffaaneq ingerlanneqassooq, kisianni qaffaarujussuarneq ingerlanneqassanngilaq. Allattoqarfik pisinnaatinneqassooq tulluussaaneq ingerlatsissasoq tamatumalu kingunerisaanik Aningaasaqarnermi Ataatsimiititaliaq siunnersuutaasunut akuersissalluni. Suliaq erngertumik ingerlanneqarnissaa inassutaavoq. Erseqqissarlungu akingititai qaffanneqarsimaneri apeqquserneqanngillat, kisianniuna assersuutingalungu illu sullivianik piffissami aaliangersimasumi atuneq akingitinneqartoq 1000%-imik qaffassimavoq. Taanna assersuutingalungu qaffassinnaavoq imminut illersorsinnaasumik 1000%-iunngittumik.

Ingerlariaqqinnissaq

Una akuerineqassanguni Aningaasaqarnermut Ingerlatsivik tulluussaaneq ataatingiissaarissaaq, tamatumalu kingorna akingititanut siunnersuut Aningaasaqarnermut Ataatsimiititaliamut saqqummiullungu.

Aningaasaqarnermi kingunerisinnaasat:

Missingersuutinut sunniuteqassooq, kisianni isertitai aningaasartuutinik matussusiiineq ajoramik sunniutissaa ataatsimut isingalungu killeqarpoq.

Inatsisitigut tunngavigisat aamma toqqammavissiisutut allagaatit:

- Kommunit aqunneqarnerat pillugu Inatsisartut inatsisaat nr. 29, 17 november 2017-imeersoq

Suliamik isumaginnineq:

Aningaasaqarnermut Ataatsimiititaliaq
Kommunalbestyrelsi

Aningaasaqarnermut Ataatsimiititaliap aaliangernera:

*Allattoqarfiup Aningaasaqarnermut Ataatsmiititaliamut inassutingaa
Kommunip sullissinermut akingititai tulluussarneqassasut ataatsimiititaliap akuerissangai
Aningaasaqarnermut Ataatsimiititaliaq pisinnaatinneqassasoq akingititanut killilimmik
aaliangersaasinnaasoq ataatsimiititaliap akuerissangaa*

Aaliangerneq:

Inassutigineqartooq akuerineqarpoq.

Tamani nalilersorneqassasoq siunnersuutigineqarpoq, soorlu aamma peqatigiiffiit katersuiniartut akiliisittarneri peerneqassasut, taamaattorli piumasaaasersortoqassasoq attartortitsisarnermi.

Inassuteqaat:

Aningaasaqarnermut Ataatsimiititaliap kommunalbestyrelsimut inassutigaa

Aningaasaqarnermut Ataatsimiititaliap inassutaa ilalernerqassasoq

Ilanngussaq:

Bilag 005-01: Kommunimi akingititat 2024

Aaliangiineq:

Akuerineqarpoq.

Matoqqasoq:

Sag nr.	Sammissaq	Bilag. nr.	006
KOM 014	Qimussertartumut nersorinnineq	Journal nr.	

Ataatsimiinneq naammassivoq nal.: 09:42

Atsiorfissaq:

- Aqqalu C. Jerimiassen (A) _____
- Knud Kleemann (A) _____
- Palle Jerimiassen (AT) _____
- Lena Ravn Davidsen (D) _____
- Bendt B. Kristiansen (IA) _____
- Jens Ole Nathanielsen (IA) _____
- Niels Davidsen (IA) _____
- Anthon Frederiksen (N) _____
- Jens Napâtok` (N) _____
- Ane Qujaukitsoq (S) _____
- Elisabeth Nielsen (S) _____
- Jens Kristian Therkelsen (S) _____
- Jakob Petersen (S) _____
- Jørgen Kruse (S) _____
- Magrethe Christensen (S) _____
- Sakio Fleischer, (S), _____
- Timotheus Petersen, (S) _____